

願卒聞之岐伯曰日與月焉水與鏡焉鼓與響焉夫日月之明不失其影水鏡之察不失其形鼓響之應不後其聲動搖則應和盡得其情黃帝曰審乎哉昭昭之明不可蔽其不可蔽不失陰陽也合而察之切而驗之見而得之若清水明鏡之不失其形也五音不彰五色不明五藏波蕩若是則外內相襲若鼓之應桴響之應聲影之似形故遠者司外揣內近者司內揣外是謂陰陽之極天地之蓋請藏之靈蘭之室弗敢使泄也。

黃帝素問靈樞集註卷之十三

黃帝素問靈樞集註卷之十四<sup>十五</sup> 業三

五變第四十六

黃帝問于少俞曰余聞百疾之始期也必生于風而寒暑循毫毛而入腠理或復還或留止或為風腫汗出或為消癰或為寒熱或為留癖或為積聚奇邪淫溢不可勝數願聞其故夫同時得病或病此或病彼意者天之為人風乎何其異也少俞曰夫天之生風者非以私百姓也其行公平正直犯者得之避者得無殆非求人而人自犯之黃帝曰一時遇風同時得病其病各異願聞其故少俞曰善乎哉問請論以此匠人匠人磨斧斤礪刀削斲材木木之陰陽尚有堅脆堅者不入脆者皮弛至其交節而缺斤斧焉夫一木之中堅脆不同堅者則剛脆者易傷况其材木之不同皮之厚薄汁之多少而各異耶夫木之蚤花先生葉者遇春霜烈風則花落而葉萎久曝大旱則脆木薄皮者枝條汁少而葉萎久陰淫雨則薄皮多汁者皮潰而漉卒風暴起則剛脆之木枝折杙傷秋霜疾風則剛脆

之木根搖而葉落凡此五者各有所傷况於人乎黃帝曰以人應木奈何少俞答曰木之所傷也皆傷其枝枝之剛脆而堅未成傷也人之有常病也亦因其骨節皮膚腠理之不一堅固者邪之所舍也故常為病也黃帝曰人之善病風厥漉汗者何以候之少俞答曰肉不堅腠理疎則善病風黃帝曰何以候肉之不堅也少俞答曰牖肉不堅而無分理理者粗理粗理而皮不緻者腠理疎此言其渾然者黃帝曰人之善病消癰者何以候之少俞答曰五藏皆柔弱者善病消癰黃帝曰何以知五藏之柔弱也少俞答曰夫柔弱者必有剛強剛強多怒柔者易傷也黃帝曰何以候柔弱之與剛強少俞答曰此人薄皮膚而目堅固以深者長衝直揚其心剛剛則多怒怒則氣上逆胸中畜積血氣逆留臆皮充肌血脉不行轉而為熱熱則消肌膚故為消癰此言其人暴剛而肌肉弱者也黃帝曰人之善病寒熱者何以候之少俞答曰小骨弱肉者善病寒熱黃帝曰何以候骨之小大肉之堅

腕色之不一也少俞答曰顛骨者骨之本也顛大則骨大顛小則骨小皮膚薄而其肉無腠其臂懦懦然其地色殆然不與其天同色汚然獨異此其候也然後臂薄者其髓不滿故善病寒熱也黃帝曰何以候人之善病痺者少俞答曰粗理而肉不堅者善病痺黃帝曰痺之高下有處乎少俞答曰欲知其高下者各視其部黃帝曰人之善病腸中積聚者何以候之少俞答曰皮膚薄而不澤肉不堅而淖澤如此則腸胃惡則邪氣留止積聚乃傷脾胃之間寒温不次邪氣稍至稽稽留止大聚乃起黃帝曰余聞病形已知之矣願聞其時少俞答曰先立其年以知其時時高則起時下則殆雖不陷下當年有衝通其病必起是謂因形而生病五變之紀也

臆音祝音九音懦音流音鹿

本藏第四十七

黃帝問于岐伯曰人之血氣精神者所以奉生而周于性命者也經脈者所以行血氣而營陰陽濡筋骨利關節者也衛氣者所以温

分肉充皮膚肥腠理司關闔者也志意者所以御精神收魂魄適寒温和喜怒者是故血和則經脈流行營陰陽筋骨勁強關節清利矣衛氣和則分肉解利皮膚調柔腠理緻密矣志意和則精神專直魂魄不散悔怒不起五藏不受邪矣寒温則六府化穀風痺不作經脈通利肢節得安矣此人之常平也五藏者所以藏精神血氣魂魄者也六府者所以化水穀而行津液者也此人之所以具受于天也無慧智賢不肖無以相倚也然有其獨盡天壽而無邪僻之病百年不衰雖犯風雨卒寒大暑猶有弗能害也有其不離屏蔽室內無怵惕之恐然猶不免於病何也願聞其故岐伯對曰審乎哉問也五藏者所以參天地副陰陽而連四時化五節者也五藏者固有大小高下堅脆端正偏傾者六府亦有小大長短厚薄結直緩急凡此二十五者各不同或善或惡或言或凶請言其方心小則安邪弗能傷易傷以憂心大則憂不能傷易傷于邪心高則滿于肺中悅而善忘難

開以言心下則藏外易傷于寒易恐以言心堅則藏安守固心脆則善病消瘴熱中心端正則和利難傷心偏傾則操持不一無守司也肺小則少飲不病喘鳴肺大則多飲善病胸痺喉痺逆氣肺高則上氣肩息欬肺下則居貴迫肺善膈下痛肺堅則不病軟上氣肺脆則苦病消瘴易傷肺端正則和利難傷肺偏傾則胸偏痛也肝小則藏安無膈下之病肝大則逼胃迫咽迫咽則苦膈中且膈下痛肝高則上支貴切膈悒為息貴肝下則逼胃膈下空膈下空則易受邪肝堅則藏安難傷肝脆則善病消瘴易傷肝端正則和利難傷肝偏傾則膈下痛也脾小則藏安難傷于邪也脾大則苦溲眇而痛不能疾行脾高則眇引季膈而痛脾下則下加于大腸下加于大腸則藏苦受邪脾堅則藏安難傷脾脆則善病消瘴易傷脾端正則和利難傷脾偏傾則善滿善脹也腎小則藏安難傷腎大則善病腰痛不可以俛仰易傷以邪腎高則苦背脊痛不可以俛仰腎下則腰尻痛不可以俛仰

為孤症腎堅則不病腰背痛腎脆則苦病消  
 瘳易傷腎端正則和利難傷腎偏傾則苦腰  
 尻痛也凡此二十五變者人之所苦常病黃  
 帝曰何以知其然也岐伯曰赤色小理者心  
 小粗理者心大無翳者心高翳者心短舉  
 者心下翳者心長者心下堅翳者心弱以薄者  
 心脆翳者直下不舉者心端正翳者倚一方  
 者心偏傾也白色小理者肺小粗理者肺大  
 巨肩反膺陷喉者肺高合腋張脇者肺下好  
 肩背厚者肺堅肩背薄者肺脆背膺厚者肺  
 端正脇偏踈者肺偏傾也青色小理者肝小  
 粗理者肝大廣胸反蔽者肝高合脇充蔽者  
 肝下胸脇好者肝堅脇骨弱者肝脆膺腹好  
 相得者肝端正脇骨偏舉者肝偏傾也黃色  
 小理者脾小粗理者脾大揭唇者脾高唇下  
 縱者脾下唇堅者脾堅唇大而不堅者脾脆  
 唇上下好者脾端正唇偏舉者脾偏傾也黑  
 色小理者腎小粗理者腎大高耳者腎高耳  
 後陷者腎下耳堅者腎堅耳薄不堅者腎脆  
 耳好前居牙車者腎端正耳偏高者腎偏傾

也凡此諸變者持則安減則病也帝曰善然  
 非余之所問也願聞人之有不可病者至盡  
 天壽雖有深憂大恐怵惕之志猶不能減也  
 甚寒大熱不能傷也其有不離屏蔽室內又  
 無怵惕之恐然不免於病者何也願聞其故  
 岐伯曰五藏六府邪之合也請言其故五藏  
 皆小者少病苦焦心大愁憂五藏皆大者緩  
 于事難使以憂五藏皆高者好高舉措五藏  
 皆下者好出入下五藏皆堅者無病五藏皆  
 脆者不離于病五藏皆端正者和利得人心  
 五藏皆偏傾者邪心而善盜不可以為人平  
 反覆言語也黃帝曰願聞六府之應岐伯答  
 曰肺合大腸大腸者皮其應心合小腸小腸  
 者脉其應肝合膽膽者筋其應脾合胃胃者  
 肉其應腎合三焦膀胱三焦膀胱者腠理毫  
 毛其應黃帝曰應之奈何岐伯曰肺應皮皮  
 厚者大腸厚皮薄者大腸薄皮緩腹裏大者  
 大腸大而長皮急者大腸急而短皮滑者大  
 腸直皮肉不相離者大腸結心應脉皮厚者  
 脉厚脉厚者小腸厚皮薄者脉薄脉薄者小

腸薄皮緩者脉緩脉緩者小腸大而長皮薄  
 而脉衝小者小腸小而短諸陽經脉皆多紆  
 屈者小腸結脾應肉内膈堅大者胃厚肉膈  
 磨者胃薄肉膈小而磨者胃不堅肉膈不稱  
 身者胃下胃下者下管約不利肉膈不堅者  
 胃緩内膈無小裏聚者胃急肉膈多少裏累  
 者胃結胃結者上管約不利也肝應爪爪厚  
 色黃者膽厚爪薄色紅者膽薄爪堅色青者  
 膽急爪濡色赤者膽緩爪直色白無約者膽  
 直爪惡色黑多紋者膽結也腎應骨密理厚  
 皮者三焦膀胱厚粗理薄皮者三焦膀胱薄  
 疎腠理者三焦膀胱緩皮急而無毫毛者三  
 焦膀胱急毫毛美而粗者三焦膀胱直稀毫  
 毛者三焦膀胱結也黃帝曰厚薄美惡皆有  
 形願聞其所病岐伯答曰視其外應以知其  
 內藏則知所病矣

尻林高駁駁翳結于

黃帝素問靈樞集註卷之十四